

4月9日。夜讀屈原。懷沙篇。

sachi 洵美且異 Today

1.

滔滔孟夏兮，草木莽莽。
傷懷永哀兮，汨徂南土。

2.

眴兮杳杳，孔靜幽默。
郁結紆軫兮，離潛而長鞠。

3.

撫情效誌兮，冤屈而自抑。
刳方以為圓兮，常度未替。

4.

易初本迪兮，君子所鄙。
章畫誌墨兮，前圖未改。

5.

內厚質正兮，大人所晟。
巧陲不斷兮，孰察其揆正。

6.

玄文處幽兮，蒙瞶謂之不章。
離婁微睇兮，瞽謂之不明。

7.

變白以為黑兮，倒上以為下。
鳳皇在笱兮，雞鶩翔舞。

8.

同糶玉石兮，一概而相量。
夫惟黨人鄙固兮，羌不知余之所臧。

9.

任重載盛兮，陷滯而不濟。
懷瑾握瑜兮，窮不知所示。

10.

邑犬群吠兮，吠所怪也。
非俊疑傑兮，固庸態也。

11.

文質疏內兮，眾不知余之異采。

材樸委積兮，莫知余之所有。

12.

重仁襲義兮，謹厚以為豐。

重華不可選兮，孰知余之從容。

13.

古固有不並兮，豈知其何故。

湯禹久遠兮，邈而不可慕。

14.

懲連改忿兮，抑心而自強。

離閔而不遷兮，願誌之有像。

15.

進路北次兮，日昧昧其將暮。

舒憂娛哀兮，限之以大故。

16.

亂曰：

浩浩沅湘，分流汨兮。

脩路幽蔽，道遠忽兮。

17.

曾唵恒悲兮，永慨嘆兮。

世既莫吾知兮，人心不可謂兮。

18.

懷質抱青，獨無匹兮。

伯樂既沒，驥焉程兮。

19.

民生稟命，各有所錯兮。

定心廣誌，余何畏懼兮。

20.

曾傷爰哀，永嘆喟兮。

世混濁莫吾知，人心不可謂兮。

21.

知死不可讓，願勿愛兮。

明告君子，吾將以為類兮。

Clubhouse Room：

<https://www.joinclubhouse.com/event/M1vZ8NqR>

往期詩單：

<https://learning-chinese-poetry.github.io/notes>


歡迎加入群組討論



不要忘了还有西园



该二维码7天内(4月16日前)有效, 重新进入将更新

 洵美且異